

**Erich Bolinius**

[www.erichbolinius.de](http://www.erichbolinius.de)

[Erich.Bolinus@t-online.de](mailto:Erich.Bolinus@t-online.de)

## **Bericht über den BSV Kickers Emden - Sendung „Flutlicht“ auf Radio Ostfriesland**

**Donnerstag, 19.7.2012 18.05 Uhr** auf 94.0 bzw. 87,7

Moin, leev Toehörers,

de 1. Mannskupp van Kickers Emden traineert upstünns för de neei Saison un maakt of un toe ok Fründskuppspölen.

Na sükse Spölen tegen hoog spölende Mannskuppen, bispillwies tegen Wolfsburg 2.

Mannskupp un tegen SC Groningen stunn lesd Week 'n Spöl tegen 'n Rheiderlandutwahl in Ditzum an. Dit Spöl harr **Jens Duin** van de MTV Ditzum, de ok für Kickers dat een of anner maakt, organiseert.

De Vörstand van Kickers Emden, Spölers un 'n Bült Fans wassen na disse Abendspöl mit de Fähre van Petkum an de anner Kant van de Eems, na Ditzum fahren. Eenige Fans harren sogar 'n Bollerwagen – bestückt mit Beer un Cola – mit. De Beer was unnerwegens wall warm worden, all muchen dat do neet mehr, aber de meisten grepen doch gern toe. Se meenten ja wall, dat dat in Ditzum keen Beer gaff.

Up de Ditzumer Sportplatz wurren van eenige Edelfans, sogar ut d' Ammerland was een dorunner, glik 'n Bank in Beschlag nomen. Man muss sük na de lang Overfahrt wall utrüsten.

De Rheiderlandjers, Spölers ut Möhlenwarf, Weener, Bingum un Ditzum, hebben sük in dat Spöl tegen Kickers Emden goed verköfft. Se verloren blot mit 4:6. Se profeterten dorvan, dat de Achtermannskupp glik twee Maal för völ toe kört Rügkgaben mook un de Utwahl dordör twee Toren sketen kunn. Dordör full dat 1:0 in de 12. Menüte dör **Kevin Kessens**. Na dat 1:1 dör **Sebastian Bloem** in de 17. Menüte broch de Ditzmumer **Timo Schneider** de Rheiderlandjes weer in Föhren. Kickers was overlegen un kunn dör **Santos de Luz** in de 38. Menüte weer utglikten.

Na de Paus, nadem de 14-jährige Schiedsrichter anleit harr, mook Kickers ördentlich Tempo un gung dör Toren van **Christopher Appeldorn**, **Ayaovi Bamezon** und **Bernd Grotlüschen** mit 5:2 up un dorvan. Man dann ahnte Kevin Kessens weer 'n toe kört Rügkgave un kunn dat dart Tor för de Gastgeber maken. **Friedo Busemann** verkörte dör 'n Elfmeter up 4:5, bevör **Alexandrenko** för de 4:6 Ennstand sörgte.

6 Toren in een Spölen sketen, dat is goed, aber 4 rinkriegen, dat ist neet so goed. Hier mutt Kickerstrainer **Yasin Turan** ansetten, dat dat neet noch maal passert.

De Rüggreis mit de Fähr laat an Abend was heel lüstig. All wassen mit de Utflug na Ditzum toefree, hörte man.

De A-Junioren van Kickers Emden hebben 'n Fründskuppspöl tegen de 1. Mannskupp van Germania Leer maakt. Tegen de Regionalliga-Upstieger verloren de Kickersjungs wall mit 3:4, moken over 'n heel goed Spöl. Trainer **Christian Rosendahl** was best toefree. För Kickers skoten **Andreas Flessner**, **Tido Steffens** und **Malte Ahrens** de Toren. Dat sücht för de komende Saison neet slecht ut för de U-19 van Kickers Emden, meen ik.

De hele Vereen Kickers Emden kummt so liesam weer in Fahrt. Un dat is goed för Emden un heel Oostfriesland.

Toe Schluss, so as alltied, 'n kört Foetballwitz:

Middent in 't Spöl flüggt up maal 'n Flers (Flasche) up 't Spölfeld. De Schiri bölk: „Wat sall dat?“ Dor röppt 'n Toekieker: „Dormit se neet so alleen sünd.“

So, dat was dat weer maal för disse Week,  
ik hoop, Joe hett dat Plattdütsk gefallen, denn mien Motto heet ja alltied,  
plattdütsk dürt - netto as Kickers Emden – neet unnergahn.

Bit anner Maal

Joe

Erich Bolinius

ut Emden-Petjem.